



IKUGA FONO

**FONO FAKAMUA
03 – 06 Aukuho 2020
FAKAOFO**

FONO FAKAMUA
03 – 06 Aukuho 2020

<u>Mataku</u>	Pahina
1. Lipoti o na Galuega Fakaauau a te Malo	3
2. Fakahekega o te Kaufaigaluega a Hagato Iohefo	3 - 4
3. Totogi mo na Tofi o Tokelau mo te agai ki mua.....	4
4. Fakafehili e uiga ki te Uaea tai o na hokotaga televave	4 - 5
5. Falemai Kautu o te Atunuku mo na tauale Hikitia-Tokelau.....	5
6. Tulaga e fakahoahoa ai na Fakatupega mo na Poloketi Lalahi a te Malo & Polokalame Atiakega Lalahi a te Malo.....	5 - 6
7. Fakatupega a te Malo TT2020/2021 (Teletok)	6
8. Fakahoahoaga ma te Puipuiga o na Lihoti tau Tupe a Tokelau	6 - 7
9. Lipoti o te Koviti-19	7 - 8
10. Fakamanuiaga mo na Taupulega & Fakamanuiaga, Tiute, Galuega mo Hui Uhufono Fono Fakamua.....	8
11. Paketi Tupe a Tokelau TT2020/2021	9 - 10
12. Polokalame Vaka ki Gauta.....	10 - 11
13. Hikimi Hupa a te Malo.....	11
14. Tautuaga a te Fetu o te Moana (FOM) mo tagata nuku.....	11
15. Fehoahoaniga ki na Ekalehia.....	12

1. LIPOTI O NA GALUEGA FAKAAUAU A TE MALO

Ko te Fono Fakamua na:

Matau te:

- i. Lipoti o na Galuega Fakaauau a te Malo Fakaauau.

Malilie ke:

- i. Tuku atu ki te Malo Fakaauau, Minihita ma na Kaufaigaluega, ke tapena mai he lipoti o na fehoahoaniga tau tupe, kope faigaluega, tino faigaluega ma ietahi vaega e fehoahoani mai ai na Fakalapotopotoga mai fafo f.t. UNDP, WHO ma ietahi Fakalapotopotoga.
- ii. Tuku mai te lipoti tenei i te Fono Fakamua hohoko.
- iii. Tapena he pepa mo na fakafanoga tupe a na Nuku ma na Mataeke na pahala te fakamaumauga (miscoded), kae ke tuku ki te fakatupega hako.
- iv. Toe tuku te avanoa ke toe fakatalanoa ai te Lipoti a Sir Ronald Young e na Taupulega ma na Nuku oi kua tuku mai ai na lagona i te Fono Fakamua hohoko.
- v. Tuku te avanoa ki te Malo Fakaauau, ke galulue fakatahi ma na Nuku, ke kikila totoka ai ki na vaega o te lipoti a Sir Ronald Young e mafai ke fakatino i te taimi nei (workshop), kae talia ai na lagona o na nuku.

2. FAKAHEKEGA O TE KAUFALUEGA HAGATO IOHEFO

Ko te Fono Fakamua na:

Matau:

- i. Na fakamatalaga i te pepa.
- ii. E lua ia Kaufaigaluega I lalo o te falemai I Nukunonu.

Malilie:

- i. Ke toe fakaheke ki lalo o te Taupulega a Nukunonu, te Kaufaigaluega a Hagato Iohefo na fakaheke ki te Mataeke, kae tumau pea te Kaufaigaluega a te Malo I Hagato Iohefo i te Mataeke.
- ii. Ki te Komehina o Tagata Faigaluega, ke fai hana galuega, ke fakatotoka ai na Kaufaigaluega a Hagato Iohefo, kae ke amanakia te Taupulega i na talanoaga ona ko tona tofi Fakagaluetino.

- iii. Ke fakaauau pea te falemai kautu i Nukunonu mo te taimi nei, ke toe iei he onoonoga a te Fono Fakamua, fua ki na lagona o na Taupulega i te tamilo hoga a te Mataeke o te Ola Malolo ma tuku atu te lipoti ki te Malo Fakaauau mo te tuku atuga ki te Fono Fakamua ka hohoko.
- iv. Ke tamilo te Minihita ma te Mataeke o te Ola Malolo ki na Taupulega, ke fakatalanoa te tulaga o te falemai kautu.

3. TOTOGI MO NA TOFI O TOKELAU MO TE AGAI KI MUA

Ko te Fono Fakamua na:

Matau:

- i. Na fakamatalaga i te pepa.
- ii. Te feta o na initalehi o te Malo Fakaauau ki te matakupu.
- iii. Ke kamata na fakamanuiaga i te aho na tuku atu ai te pepa ki te Fono Fakamua, Mati 2019.

Malilie:

- i. Ke tulaki te Malo Fakaauau ona ko te feta o na initalehi ki te matakupu.
- ii. Ke tuku atu te pepa tenei ki na Taupulega mo te fakatalanoaga.
- iii. Ki te Komehina o Tagata Faigaluega, ke tapena vave mai he pepa mo na fakamanuiaga o na Komehina Tulafono, ke tuku vave atu ki na Taupulega mo te fakatalanoaga.
- iv. Ke tuku mai na lagona o na Taupulega i te Fono Fakamua hohoko.
- v. Ki te Komehina o Tagata Faigaluega, ke galulue fakatahi ma te pito o te Tulafono, mo te fakatotokaga o na Taki o na Galuega a na Faipule ma na Pulenuku.

4. FAKAFEHILI E UIGA KI TE UAEA TAI O NA HOKOTAGA TELEVAVE

Ko te Fono Fakamua na:

Matau:

- i. Na fakamatalaga i pepa.

Malilie ke:

- i. Tolo te matakupu ki te Fono Fakamua hohoko.

- ii. Tapena mai he pepa e te Malo Fakaauau, ke tuku mai ai ni fautuaga mo he vaega tupe fakaataata e manakomia.
- iii. Galulue fakatahi te Malo Fakaauau, Teletok ma te Pito o te Tulafono, ke tuku mai ni fautuaga tau ki na fenua ma ke taki e te Malo Fakaauau te galuega tenei.

5. FALEMAI KAUTU O TE ATUNUKU MO NA TAUALE HIKITIA-TOKELAU

Ko te Fono Fakamua na:

Matau na:

- i. Fakamatalaga i te pepa.
- ii. Popolega o ietahi hui agai ki te matakupu.

Malilie ke:

- i. Tamilo te Minihita ma te Mataeke o te Ola Malolo ki na Taupulega ke fakatalanoa te pepa, kae maihe te tulaga o te falemai kautu o Tokelau.
- ii. Tapena he pepa e te Ofiha o te Malo Fakaauau, ke fakamatea ai te tulaga o na Faipule ma na Pulenuku ma o latou tulaga fakaminihita.
- iii. Taki te galuega e takua i te (ii) e te Ofiha o te Malo Fakaauau, kae fehoahoani ki ei te pito o te Tulafono ma te Komehina o Tagata Faigaluega.
- iv. Tuku mai te i te Fono Fakamua hohoko, te Lipoti o te tamilohaga vena ma te Pepa e fakamatea ai te tulaga o na Faipule ma na Pulenuku ma o latou tulaga fakamanihita.

6. TULAGA E FAKAHOAHOA AI NA FAKATUPEGA MO NA ATIAKEGA LALAHİ A TE MALO & POLOKALAME ATIAKEGA LALAHİ A TE MALO

Ko te Fono Fakamua na:

Matau:

- i. Na fakamatalaga i te pepa.
- ii. Te he uhitakia ma te he mulimulitakia o Tokelau ki na tonu fai a te Fono Fakamua.
- iii. Te tonu a te Fono Fakamua ki te uaea toho, malohiaga ma na vaka toho, kua mafua ai te tuai o na fakamuamuaga ana nuku.

Malilie ke:

- i. Tauhihi ki na tonu fai a te Fono Fakamua, ke matea ai te pulepule lelei, kae ke atagia ai te olaga ola o tagata.
- ii. Tamilo te Minihita ma te Mataeke o te Tupe, ke fakatalanoa ma na Taupulega, te tulaga o na fakatupega mo na Atiakega Lalahi a te Malo, kae ke kikila totoka ai ki na fakamuamuaga a na nuku.
- iii. Tapena mai he lipoti e te Malo Fakaauau, ki te tulaga kua iei ai na Atiakega Lalahi ma te taunukuga kua pa ki ei, kae ke matau ai na Atiakega Lalahi e mulimuli mai.
- iv. Fakatutuha na nuku i ana Atiakega Lalahi.

7. FAKATUPEGA A TE MALO 2020/2021
--

Ko te Fono Fakamua na:

Matau:

- i. Na fakamatalaga i te pepa.
- ii. Ke onono te talohaga a te Teletok ki te tulaga o te Paketi TT2020/2021, pe iei he vaega tupe e avanoa.
- iii. Ke fakatalanoa e na Taupulega te tulaga o te Teletok, pe ka fakamataeke pe tumau lava i te tulaga e iei ai nei.

Talia te:

- i. Talohaga a te Kamupani Teletok mo he \$500,000 ke fakatupe ai na galuega lalahi ma te fakagaluegaga (opex and capex).
- ii. talohaga a te Teletok mo he fehoahoaniga a na Taupulega ma te Malo Fakaauau, ki te aoga o na kaitalafu a tagata tautokatahi ma na Mataeke.

8. FAKAHOAHOAGA MA TE PUIPUIGA O NA LIHOHI TAU TUPE A TOKELAU
--

Ko te Fono Fakamua na:

Matau:

- i. Na fakamatalaga i te pepa.
- ii. Ka totoka loa te iloiloga, oi kua fakatino loa na fetukunakiga ma Niu Hila vena foki ma ietahi fakalapopotoga e fehoahoani mai ki Tokelau.

Malilie:

- i. Ki te Mataeake o te Tupe ke tapena mai he pepa, ke tuku mai ai he tau fakaatata mo te fakatinoga o he Iloiloga mo na tau katoa e fakagalue ai te Malo o Tokelau, ki te fakaleleiga o te olaga ola o tagata.
- ii. Tuku mai te pepa tenei ki te Fono Fakamua, ka ko heki pa ki te tauhaga tupe fou.
- iii. Ko na tau mo te Iloiloga tenei, ka gafa ma te Mataeake o te Tupe ma te Ofiha o te Malo Fakaauau.
- iv. Ke iei ni hui o na Taupulega ki loto o te Kauhaga o te Iloiloga, kae ke tuku atu ki te Taupulega te filifiliga o latou hui.
- v. Ke iei ia Alan Shaw i te Kauhaga o te Iloiloga.

9. LIPOTI O TE KOVITI 19

Ko te Fono Fakamua na:

Matau te:

- i. Lipoti o te Koviti 19.
- ii. \$1.6 miliona, ko na vaega na pahia ke totogi, kae ko heki fakatinoa.
- iii. \$170,000 ko he tupe fakaleoleo mo ni ietahi manakoga e manakomia, I he taimi e tapunia ai ia Tokelau, meamanu e hula I loto o te lipoti o te Koviti19.

Malilie ke:

- i. Tokehe mai he \$100,000 mai te Meakai Haogalemu ma he \$100,000 mai te Fehokotakiga ma fakaopoopo atu ki te Ola Malolo.

	MATAEKE / NUKU	CODE	Iulai-20	Mati- Iulai 2020	\$ FAKAFANO	%	PALENI TOTOE	FAKATUPEGA
1	ATAFU	AA.7240		75986.03	75,986.03	38%	124,013.97	200,000
2	FAKAOFO	FF.7240	124,208.56	52,239	176,447.56	88%	23,552.44	200,000
3	NUKUNONU	NN.7240	32,871.34	112,693	145,564.34	73%	54,435.66	200,000
4	OLA MALOLO – HAPALAI	TK.3800	165,953.07	522,618	688,571.07	116%	101,428.93	790,000
5	OLA MALOLO – KAUFAGALUEGA	TK.3801		21,876		12%	158,124.00	180,000
6	MEAKAI HAOGALEMU	ZP.7630	2,083.90	375,197	377,280.90	39%	472,719.10	850,000
7	FEHOKOTAKIGA	ZP.7631	5,630.24	31,950	37,580.24	15%	112,419.76	150,000
8	AKOAKOGA	ZP.7633	-	-	-	0%	80,000	80,000

9	MALOHIAGA – HUAU	ZP.7634		50,579		84%	9,421	60,000
10	FEMALAGAAKIGA	ZP.7632	-	119,998		100%	2	120,000
11	HĀ FAKAFUAHEKI	ZP.7636	-	-	-	0%	170,000	170,000
	AOFAKI		330,747.11	1,363,136.03	1,693,883.14		1,306,116.86	3,000,000
	US\$300,000 (NZ\$450,000) Ea malulu, afi moli, vaka afi, 2 tavale Fale fakanofa kehe		300,108.60		300,108.60		149,891.00	450,000.00

10. FAKAMANUIAGA MO NA TAUPULEGA & NA TIUTE MA NA FAKAMANUIAGA O NA HUI UHUFONO FONON FAKAMUA

Ko te Fono Fakamua na:

Matau:

- i. Na fakamatalaga i te pepa.
- ii. Te Tulafono o Faiga Palota a Tokelau, e tuha ai ma he tino faigaluega e kavea ma Hui Fono Fakamua.
- iii. Ke ta tutuha ia Tokelau i na Tulafono ona i he matauga, e he tutuha te fakatinoga i luga o na nuku.

Malilie:

- i. Ke gafa te Komehina o Tagata Faigaluega ma te fakatinoga o te Iloiloga o na fakamanuiaga o na Taupulega ma na Huifono Fono Fakamua.
- ii. Ke fakatino vave loa te iloiloga, kae ke totogi ki tua (backdate).
- iii. Tuku mai te lipoti o te Iloiloga ki te Fono Fakamua muamua o te tauhaga fou.
- iv. Ki te Komehina o Tagata Faigaluega, ke tuku mai he ata fakatu ki te Komiti Tupe ki he vaega tupe fakaatata, ke fakatino ai te Iloiloga o na fakamanuiaga o na Taupulega ma na Huifono Fono Fakamua.
- v. Ki te Ofiha o te Malo Fakaauau, ke tapena mai na Tulafono mo na Huifono Fono Fakamua ki te Fono Fakamua ka hohoko.
- vi. Ke galulue fakatahi te Komehina o Tagata Faigaluega ma te Ofiha o te Atiakega o Tagata Faigaluega (HR) ki te tulaga o na fakamanuiaga fakatahi ai ma he fautuaga a te Faufautua Tulafono i te pito o te Tulafono.

11. PAKETI TUPE A TOKELAU 20/21

Ko te Fono Fakamua na:

i)	Malilie ko te Aofaki o te Paketi mo te Tupe Maua 2020/2021 e \$35.8m	
ii)	Malilie ki te vaevaega o te Paketi Tupe TT2020/21 e veni:	
	VAEGA	Paketi mo te Tauhaga Katoa (\$)
	Atafu	3,913,813
	Fakaofu	3,970,886
	Nukunonu	3,865,301
	Huiga o te Tau	545,000
	Tamaokaiga	919,000
	Akoakoga	1,935,000
	Malohiaga	460,000
	Tupe	1,115,000
	Fagotaga	985,000
	Ola Malolo	1,000,000
	Ofiha o te Malo Fakaauau	1,785,000
	Komehina o te Kaufaigaluega Tautua	346,000
	Tautuaga Lagolago	720,000
	Femalagaakiga	5,875,000
	Totogiga Tupe mo te Malo	4,000,000
	- <i>Fakalapopotoga – 150,000</i>	
	- <i>Huke Tuhi – 150,000</i>	
	- <i>Hikimi Tauale – 1,150,000</i>	
	- <i>Tupe tino matutua – 1,400,000</i>	
	- <i>Hikimi Hikolahihpi – 1,150,000</i>	
	Atiakega Lalahi i te Atunuku	3,910,000
	- <i>Malohiaga – 1,000,000</i>	
	- <i>Tohoga Vaka – 1,000,000</i>	
	- <i>Ofiha fou I Apia – 410,000</i>	
	- <i>Uaea toho – 1,000,000</i>	
	- <i>Ofiha fou o Atafu – 250,000</i>	
	- <i>Teletok – 250,000</i>	
	Atiakega Lalahi Atafu	400,000
	Atiakega Lalahi Fakaofu	400,000
	Atiakega Lalahi Nukunonu	400,000
	AOFAKI	36,545,000
iii)	matau ko te Paketi Tupe TT2020/21 e he paleni i te aofaki e \$745,000	
iv)	matau te \$250,000 e heki fakamaliegia ai te talohaga a te Teletok, ke iei he matauga ki ei i te Iloiloga o te Tupe ia Novema 2020.	
v)	matau e iei te paleni \$300,000 e taukave mai i te TT2019/2020 mo te tohoga o na vaka.	

vi)	matau e gafa ma te Ofiha o te Komehina o Tagata faigaluega, te fakatupega o te Iloiloga o na fakamanuiaga o te Taupulega ma te Iloiloga o na fakamanuiaga, tiute ma na galuega a na Huifono Fono Fakamua.
vii)	matau e gafa ma te Ofiha o te Malo Fakaauau ma te Mataeke o te Tupe, te fakatupega o te Iloiloga o te tau katoa e fakagalue ai te Malo o Tokelau mo te olaga ola o ona tagata.
viii)	matau ko te fakaikuga o Aukuho, ka maua ai he ata katoa o na fakafanoga tupe a na Nuku/Mataeke mo te TT2019/2020.
ix)	malilie ke fakatapula te mafai o na Tautuaga Kehekehe, ke fehuiaki ai na paketi mo na itukaiga fakafanoga tupe kua pahia i loto o te tauhaga tupe, ki he aofaki e hē hilia atu i te 10% aunoa ma he fakatagaga a te Fono Fakamua.
x)	malilie e hē mafai ke hilia na paketi i te tupe e fakafano vagana ai e o mo te lelei o te atunuku e veia ko te Hikimi Hikolahipi, Femalagaakiga, Hikimi Tauale & Koviti.
xi)	malilie ko ni ova i na tupe fakafano a na Nuku/Mataeke mo te TT2019/20 e tokehe mai i a latou paketi e pahia i TT2020/2021, ka ko na tupe ova a te Malo mo na Atiakega Lalahi, e tuku tonu I te Iloiloga o te Tupe ia Novema 2020.
xii)	malilie ki te Fono Fakamua ka hohoko, ke kikila ki ni huiga ki na Tulafono Tupe, ke atili fakamakeke ai he mafai mo te Tupe, ke taofi ni fakafanogatupe e ono ova ai na paketi pahia, fakatahi ma te mafai o te Malo Fakaauau e tuha ai ma te fautuaga (ix).
xiii)	malilie ki na fautuaga kua fakanumela i luga (iii) (iv), (v), (vi), (vii), (viii) & (xii) e toe Iloilo i te taimi o te Iloiloga o te Tupe i a Novema 2020.
xiv)	Malilie ko te Iloiloga o te Paketi Tupe TT2020/21, e fakatino ia Novema 2020, e aofia ai te iloiloga o na tupe a na Nuku/Mataeke, Peleni Galue a te Malo, Nuku ma na Mataeke mo te 5 tauhaga, vena ma ni ietahi vaega e fia tukutonu f.t. Lipoti o na Atiakega Lalahi a te Malo, na fehoahoaniga a na Fakalapopotoga mai fafo, ZP ma ni ietahi vaega).
xv)	Malilie ke fakaheke te matakupu ke hiki te ola o te Hikimi Tuhi Tupe a Tokelau (Tokelau Savings Scheme) mai te 1.5% ki te 2%, ke fakatalanoa i te tamilohaga a te Mataeke o te Tupe ki na Taupulega.
xvi)	Malilie ki na Nuku/Mataeke ke tuku atu te toe falitega o a latou Paketi Tupe ki te Mataeke o te Tupe, ka ko heki pa ki te aho 4 Hetema 2020.

12. POLOKALAME VAKA KI GAUTA

Ko te Fono Fakamua na:

Matau:

- i. Na fakamatalaga i te pepa.

Talia:

- i. Te talohaga, kae ke iei he matauga o te talohaga i te Iloiloga o te Tupe ia Novema 2020.

13. HIKIMI HUPA A TE MALO

Ko te Fono Fakamua na:

Matau:

- i. Na fakamatalaga i te pepa.

Talia:

- i. Te pepa.

Malilie:

- i. Ke tamilo te Minihita ma te Mataeke o te Tupe, ke fakamaina katoatoa te tulaga o te Hikimi Hupa a Tokelau ki na Taupulega, kae ke maina tutuha ki ei tagata nuku.
- ii. Ki na Ofiha o na Taupulega ke tapena na lihi o ki latou kua litaea, ke vave tuku atu ki te Mataeke o te Tupe mo te fakatinoga o a latou hupa.

14. TAUTUAGA A TE FETU O TE MOANA MO TAGATA NUKU

Ko te Fono Fakamua na:

Matau:

- i. Na fakamatalaga i te pepa.

Talia:

- i. Te pepa.

Malilie:

- i. Ki te Komiti Fakafoe o Femalagaakiga (Board of TransTok), ke tuku mai he ata fakaataata o na tau moni e fakagalue ai te Fetu o te Moana.
- ii. Ke tuku mai te ata fakaataata tenei, i te Fono Fakamua hohoko.


15. FEHOAHOANIGA KI NA EKALEHIA

Ko te Fono Fakamua na:

Matau:

- i. Eiei lava na fehoahoaniga a na Taupulega ki na Ekalehia, ma e tuku atu lava ki na Taupulega ki te latou fakahoahoaga.

Fakamaonia e:



.....
Sela Sophie Tyrell-Saumani
Takitaki Fono

12/08/20
.....
Aho



.....
Safiti Lomi Gaulafa
Hui Takitaki Fono

12/08/2020
.....
Aho

Ki latou na kau fakatahi mai ki te Fono Fakamua

<i>Hui Fono Fakamua/Hauatea/Taupulega/Ulu Fakatonu/Faufautua</i>	
<p><u>Fakaofu</u></p> <ol style="list-style-type: none"> 1. Ulu o Tokelau, Faipule Fofu Esera Tuisano 2. Pulenu'ku Mose Pelasio 3. Timielu Tu'umuli 4. Kaio Isaako 5. Aokuso Vavega 6. Tofiga Teao 7. Malia Tavita 8. Hina Kele <p><u>Nukunonu</u></p> <ol style="list-style-type: none"> 1. Faipule Siopili Perez 2. Pulenu'ku Lino Isaia 3. Peter Tavite 4. Peato Pelenato 5. Pafelio Tumua 6. Save Tumua 7. Lepeka Amato-Perez <p><u>Atafu</u></p> <ol style="list-style-type: none"> 1. Faipule Kelisiano Kalolo 2. Pulenu'ku Fa'amanuia Tamoia 3. Sirila Enosa 4. Nofo Iupati 5. Stanley Lopa 6. Teloloma Paulo 7. Latu Lopa 	<p><u>Hauatea</u></p> <p>Safiti Vavega Sailusi Taupau Vasa Tavite Atonio Egeliko Asora Tonuia Leota</p> <p><u>Taupulega Fakaofu</u></p> <p>Danny Faleasiu Kasimilo Niko Iosefa Ropati Tufoua Poasa Pahi Niko Puka Puka Alehana Teao Tala Lapana Taupati Peleni Pale Sosene</p> <p><u>Niu Hila (Zoom)</u></p> <p>Ross Ardern, Ulu Fakatonu o Tokelau Alan Shaw, Faufautua o te Tupe</p>
<i>Kaufaigaluega Tautua</i>	
<p><u>Ofiia Malo Fakaauau</u></p> <p>Aukusitino Vitale</p> <p><u>Mataeke o te Tupe (Zoom)</u></p> <p>Rosita Mauai</p> <p><u>Mataeke o Malohiaga</u></p> <p>Bosco Penehe</p> <p><u>Mataeke o te Ola Malolo</u></p> <p>Dr. Silvia Tavite Sione (Danny) Fonua</p> <p><u>Mataeke o Akoga</u></p> <p>Elaine Lameta (Zoom) Fulitusi Aholovaka</p> <p><u>Nukunonu</u></p> <p>Asi Pasilio Ta'ase Sio</p> <p><u>Atafu</u></p> <p>Aleta Aleta</p>	<p><u>Ofiia o te Komehina o Tagata Faigaluega</u></p> <p>Tiso Fiaola</p> <p><u>TELEFOTOK</u></p> <p>Tealofi Enosa Rosamoana Tulafono</p> <p><u>Fakaofu</u></p> <p>Suia Pelasio</p> <p><u>Leoleo</u></p> <p>Tavita Pue Kovati Gasologa Sione Siliga Heo Peleni Livi Kalolo Sulia Peleni Malia Pereira Fauma Tyrell Ineleo Patemo Julie Lopa</p>

<i>Poasi Tuilotolava</i>	
--------------------------	--